

CERTIFICACIÓN

Rosa Ana Prada Queipo, secretaria xeral do Concello de Ames (A Coruña)

Certifico: Que a Xunta de Goberno Local, en sesión ordinaria celebrada o día 20 de marzo de 2025, adoptou, entre outros, o acordo que copiado é do teor literal seguinte:

PUNTO SEGUNDO. CONVOCATORIA DO XXII CERTAME LITERARIO CONCELLO DE AMES, ANO 2025. EXPEDIENTE GD 4340/2025

O Concello de Ames convoca desde o ano 2004 un certame literario con dúas modalidades (narrativa e poesía) e con tres categorías (segundo a idade dos e das participantes) co obxectivo de impulsar a creación literaria e promover e difundir a cultura propia, como un xeito de contribuír á normalización lingüística e cultural. Ademais deste obxectivo principal, o certame literario de Ames pretende converter o concello nun referente na produción, dinamización e promoción da cultura galega e potenciar así o coñecemento deste concello máis ala da nosa comarca.

No 2025 terá lugar á vixésima segunda edición deste certame.

O Plan Estratéxico de Subvencións para o período 2023-2025, ten prevista dentro das subvencións en materia de Normalización Lingüística esta convocatoria:

LIÑA DE SUBVENCIÓN	Premios certame literario
OBXECTIVOS	Promover o uso do galego entre os/as habitantes do Concello de Ames.
EFFECTOS PRETENDIDOS	Conseguir a participación activa de certos colectivos nas actividades de normalización lingüística organizadas polo Concello
PERSOAS DESTINATARIAS	Persoas que presenten textos inéditos escritos en lingua galega
PRAZO CONSECUCIÓN	2023-2025
OBXECTIVOS	
CUSTE ANUAL PREVISTO 2023	3.800,00€
CUSTE ANUAL PREVISTO 2024	3.800,00€
CUSTE ANUAL PREVISTO 2025	3.800,00€
ECONÓMICA	3343
FUNCIONAL	48104
FINANCIAMENTO	Fondos propios con cargo á funcional sinalada
PROCEDEMENTO DE CONCESIÓN	Concorrenza competitiva

Figura no expediente Providencia da Alcaldía de inicio do expediente (10.03.2025)
([CSV:15220IDOC2B6DAB0DB171C8D4796](https://sede.concellodeames.gal/CSV:15220IDOC2B6DAB0DB171C8D4796))

Figura no expediente Informe proposta do concelleiro delegado de area e da normalizadora lingüística municipal (13.03.2025). ([CSV:15220IDOC226C8DF997A696542B8](https://sede.concellodeames.gal/CSV:15220IDOC226C8DF997A696542B8)).

Figura informe de Secretaría, [\(CSV:15220IDOC2FE0CB1A77B06F34195\)](#).

Figura no expediente Informe de fiscalización favorable da Intervención municipal (informe 100/2024 do 04.03.2024) [\(CSV:15220IDOC2703431E49405454596\)](#).

Por todo o que antecede a Xunta de Goberno Local previa delegación do alcalde (decreto 1983/2023, BOP 120 do 26.06.2023) por unanimidade dos seus membros presentes adopta os seguintes acordos:

Primeiro. Aprobar as bases e a convocatoria do **XXII Certame Literario Concello de Ames 2025**. As bases da convocatoria figuran como Anexo I.

Segundo. Autorizar o gasto por importe de 3.800,00 euros con cargo á aplicación orzamentaria 3343.48104 do orzamento municipal en vigor.

Terceiro. Publicar a convocatoria seguindo o procedemento establecido no artigo 20.8 da Lei 38/2003, de 17 de novembro, xeral de subvención (LXS), a través do envío do extracto da convocatoria á Base Nacional de Subvencións (BNS) para a súa remisión ao BOP. As bases publicaranse integramente na páxina web do Concello de Ames.

Cuarto. Dar traslado deste acordo aos departamentos municipais afectados para os efectos oportunos.

Quinto. Facultar ao alcalde do Concello de Ames para cantas actuacións de trámite sexan precisas para a mellor execución do acordado.

ANEXO I

BASES DO XXII CERTAME LITERARIO CONCELLO DE AMES

NARRATIVA E POESÍA

Concellaría	Normalización Lingüística
Anualidade	2025
Denominación	Convocatoria de premios: XXI Certame Literario Concello de Ames. Narrativa e poesía
Persoas beneficiarias	Calquera persoa física que presente textos inéditos escritos en lingua galega
Aplicación orzamentaria	3343.48104
Importe da convocatoria	3.800 €

BASES DO XXII CERTAME LITERARIO CONCELLO DE AMES. NARRATIVA E POESÍA

PRIMEIRA.- Obxecto, modalidades, categorías e requisitos dos participantes.

A convocatoria do Certame Literario Concello de Ames ten como finalidade impulsar a creación literaria en lingua galega e promover e difundir a cultura propia, como xeito de contribuír á normalización lingüística e cultural.

O certame ten dúas modalidades: NARRATIVA E POESÍA. En cada modalidade establécense TRES CATEGORÍAS, segundo a idade das persoas participantes. Na primeira categoría participarán persoas de ata 13 anos, na segunda de 14 ao 17 anos; e na terceira concorrerán persoas a partir de 18 anos.

Poderá participar nesta convocatoria calquera persoa física que presente textos inéditos de TEMÁTICA LIBRE, en narrativa ou poesía, escritos en lingua galega acordes con estas bases.

Os/as participantes menores de idade deben achegar os datos dunha persoa maior de idade que exerza como representante legal.

Así mesmo, os/as participantes deberán estar ao corrente nas obrigas coa Administración Pública (Seguridade Social, Facenda Estatal) e co Concello de Ames e non incorrer nos supostos aos que se refire o artigo 13.2 da Lei 38/2023, de 17 de novembro xeral de subvencións.

A participación na presente convocatoria implica a aceptación das normas recollidas nestas bases reguladoras e a inapelable decisión do xurado.

A presente convocatoria de premios tramitarase na forma de concorrencia competitiva.

SEGUNDA.- Prazo e lugar de presentación dos textos.

Os textos poderán remitirse dende a data de publicación do extracto da convocatoria no Boletín Oficial da Provincia da Coruña ata o **día 30 de abril de 2025** (incluído) ao seguinte enderezo: Servizo de Normalización Lingüística do Concello de Ames Avda. de Azcárraga, nº 5, Bertamiráns, 15220 Ames, A Coruña.

TERCEIRA.- Forma de presentación dos textos e dos datos persoais

As persoas participantes enviarán **catro exemplares** do texto, escritos a dobre espazo e tamaño de letra 12.

- En narrativa, a extensión mínima será de 2 páxinas e a máxima de 6.
- En poesía, a extensión mínima será de 20 versos e a máxima de 50.

Poderá presentarse un só traballo por persoa en cada unha das modalidades.

As obras presentaranse nun sobre baixo **pseudónimo**. Para garantir o anonimato, **nos textos non poden aparecer datos persoais** nin sinaturas. En cada un dos exemplares terán que figurar: **modalidade** (narrativa ou poesía), **categoría** (1ª, 2ª ou 3ª) e **pseudónimo** do autor ou autora.

Acompañando os textos **introducírase un sobre pechado cos seguintes datos persoais**: nome e apelidos, idade, copia do DNI, teléfono de contacto, enderezo postal e electrónico e declaración responsable de non estar incurso/a en supostos que impidan obter a condición de beneficiario/a e de atoparse ao corrente nas obrigas tributarias e coa seguridade social.

Para facilitar a achega dos datos persoais necesarios, pode descargarse da páxina web do Concello de Ames a **FICHA DE PARTICIPACIÓN NO CERTAME LITERARIO CONCELLO DE AMES** que recolle todos os datos e a documentación requirida para poder participar. A dita ficha haberá que cubrila e asinala. As persoas menores de idade deben achegar os datos dunha persoa maior de idade que exerza como representante legal.

O sobre cos datos persoais e as catro copias do texto introducíranse nun sobre máis grande. No **remite** deste figurará a modalidade (**narrativa ou poesía**), a **categoría** (1ª, 2ª ou 3ª) e o **pseudónimo** (nunca o nome real).

Toda a información relativa a esta convocatoria estará á disposición das persoas interesadas no Servizo de Normalización Lingüística do Concello de Ames co que se poderá contactar a través do enderezo electrónico normalizacion@concellodeames.gal ou do teléfono 662 377 215

CUARTA.- Importe da convocatoria e importe dos premios.

O importe da convocatoria e dos premios ascende a 3.800€ e imputarase a aplicación orzamentaria 3343.48104 do orzamento municipal en vigor.

En cada modalidade do certame (narrativa ou poesía) establécense tres categorías e, en cada categoría, tres premios coa dotación económica que se especifica a seguir:

1ª Categoría (ata os 13 anos)

1º premio: 200 euros

2º premio: 170 euros

3º premio: 140 euros

2ª Categoría (dos 14 aos 17 anos)

1º premio: 230 euros

2º premio: 200 euros

3º premio: 170 euros

3ª Categoría (18 anos ou máis)

1º premio: 300 euros

2º premio: 260 euros

3º premio: 230 euros

*Para o cómputo da idade, establécese como data de referencia o **30 de abril de 2025** (día no que remata o prazo de entrega dos traballos participantes).

QUINTA.- Composición do xurado.

O xurado estará formado por tres membros do ámbito literario e por un/unha responsable municipal, con voz e sen voto, que actuará como secretario/a. Quen exerza de secretario/a levantará a acta correspondente da xuntanza do xurado na que se emita a resolución e se propoñan ás obras beneficiarias dos premios.

A composición do xurado publicarase con antelación á emisión do ditame e será fixada por decreto da Alcaldía, segundo a proposta da Concellaría de Normalización Lingüística.

SEXTA.- Criterios de valoración.

O xurado terá en conta os seguintes criterios de valoración segundo a súa acreditada discrecionalidade técnica: orixinalidade; calidade lingüística e literaria; composición, cohesión, contido e estrutura da obra; así como outros valores artísticos que salienten nos textos presentados.

O xurado poderá declarar deserto calquera dos premios que recolle esta convocatoria.

SÉTIMA.- Concesión dos premios.

O órgano competente para a instrución do procedemento será o Servizo de Normalización Lingüística do Concello de Ames.

O Servizo de Normalización Lingüística porá a disposición do xurado todos os textos recibidos dentro do prazo establecido. Se algunha das obras incumpre os requisitos establecidos faráselle saber ao xurado para que determine se procede ou non a súa exclusión.

As deliberacións do xurado son secretas e non se establecerá comunicación de ningún tipo con ningunha das persoas participantes.

Unha vez se ditamine cales son as obras propostas para recibir os premios, o secretario ou secretaria do xurado abrirá, en presenza do resto de membros, as plicas correspondentes para descubrir a autoría de cada un dos textos seleccionados.

O xurado proporalle as obras gañadoras á Xunta de Goberno Local, o órgano municipal competente para a concesión e resolución definitiva desta convocatoria.

A Xunta de Goberno Local aprobará a concesión de premios propostos polo xurado. Esta resolución publicarase no taboleiro de anuncios do Concello de Ames e a dita publicación servirá de notificación.

Contra a resolución de concesión que se dite, que pon fin á vía administrativa, e tendo en conta que a decisión do xurado sobre as obras gañadoras é inapelable, poderá interporse potestativamente recurso de reposición ante a Alcaldía no prazo dun mes, ou ben directamente recurso contencioso administrativo ante o Xulgado do Contencioso Administrativo no prazo de dous meses desde o día seguinte ao da súa publicación no Taboleiro de Anuncios do Concello de Ames.

A decisión do xurado anunciarase publicamente o **10 de xuño de 2025** e os premios entregaranse o **14 de xuño de 2025** nun acto público que se celebrará na Casa da Cultura do Milladoiro.

Non se considerarán outorgados os premios ata que a Xunta de Goberno Local do Concello de Ames aprobe e publique a concesión.

OITAVA.-Propiedade dos traballos.

O Concello de Ames publicará os traballos premiados nunha antoloxía, sen apercibimento de dereitos de autoría e compensando os autores ou autoras con cinco exemplares do volume que se edite. Para esta publicación, **as persoas gañadoras deberán entregar os textos en formato dixital**. Se o autor ou autora publica pola súa conta algún dos textos gañadores, deberá facer referencia ao premio obtido neste certame.

As obras poderán retirarse, logo de solicitalo, dentro dos tres meses posteriores á publicación da decisión do xurado. Transcorrido ese prazo, os traballos que non obtivesen premio destruíranse. O Concello de Ames non manterá correspondencia cos autores e autoras dos textos presentados nin asume responsabilidade ningunha pola eventual perda dalgún orixinal.

NOVENA.-Medios de notificación e publicidade.

A resolución do procedemento publicarase no taboleiro de anuncios do Concello de conformidade co establecido no art. 26 da Lei 38/2003 de 17 de novembro, xeral de subvencións.

Un extracto da presente convocatoria publicarase no Boletín Oficial da Provincia da Coruña, o texto íntegro poderá consultarse na Base Nacional de Subvencións (BDNS) accesible desde <http://www.pap.minhap.gob.es/bdnstrans/index>.

DÉCIMA.- Pagamentos e reintegros.

O pagamento dos premios realizarase mediante transferencia bancaria á conta que indicase a persoa premiada.

Os premios serán reintegrados nos supostos previstos no artigo 37 da Lei 38/2003, do 17 de novembro, xeral de subvencións.

DÉCIMO PRIMEIRA.- Protección de datos.

Os datos serán tratados coa finalidade específica da convocatoria de "XXII CERTAME LITERARIO CONCELLO DE AMES. NARRATIVA E POESÍA" de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal e pola Lei orgánica 3/2018, de 5 de decembro, de protección de datos persoais e garantía dos dereitos dixitais.

Conforme ao artigo 6 do Regulamento 2016/679, a lexitimación do tratamento está baseada nunha obriga legal, no interese público e no consentimento das persoas interesadas nesta convocatoria de axudas.

O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento.

Os datos solicitados unicamente serán obxecto de cesión, se é o caso, previo consentimento da persoa interesada ou de acordo co previsto na citada lexislación.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, ante o órgano responsable do tratamento dos datos (Concello de Ames). Tamén poderán exercer os seus dereitos ante a Delegación de Protección de Datos do Concello no enderezo electrónico dpd@concellodeames.gal.

Para os efectos da salvagarda do dereito dos participantes na presente convocatoria á protección dos seus datos de carácter persoal, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal e pola Lei orgánica 3/2018, de 5 de decembro, de protección de datos persoais e garantía dos dereitos dixitais, faise constar que os datos dos premios concedidos incorporaranse ao rexistros públicos de subvencións, nos seguintes termos:

En cumprimento do disposto no artigo 20.1 da Lei 38/2003, xeral de subvencións e demais normativa de desenvolvemento, os datos do premio concedido e a identificación das persoas beneficiarias serán remitidas á Intervención Xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto.

Así mesmo, en cumprimento do disposto no artigo 16.3 da Lei 9/2007, de 13 de xuño, de subvencións de Galicia, o Concello remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

DÉCIMO SEGUNDA.- Órganos de control das achegas concedidas.

As persoas beneficiarias dos premios concedidos polo Concello quedarán obrigadas a someterse aos procedementos de controis ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outro órgano de control interno ou externo, nacional ou europeo.

DISPOSICIÓN FINAL

Para o non previsto nesta convocatoria serán de aplicación as normas incluídas nas Bases de execución do orzamento xeral do Concello, na Lei 38/2003, xeral de subvencións e no seu Regulamento e na Lei 9/2007 de subvencións de Galicia.

E para que conste, para os efectos oportunos, expido a presente co visto e praxe do alcalde, en Ames, a 20.03.2025, e coa advertencia de que non foi aprobada aínda a acta da sesión correspondente.

Vº e praxe

O alcalde

José Blas García Piñeiro

A secretaria

Rosa Ana Prada Queipo